

## 7. სადისერტაციო საბჭოს თავმჯდომარის, დარგობრივი სექციის ხელმძღვანელისა და სადისერტაციო საბჭოს მდივნისა და დარგობრივი სექციის მდივნის უფლებამოსილება

7.1. სადისერტაციო საბჭოს თავმჯდომარე საჭიროებისამებრ იწვევს და უძღვება საბჭოს სხდომებს. მისი თანხმობით (ან სადისერტაციო საბჭოს გამგეობის თანხმობით) საბჭოს სხდომას შეიძლება უძღვებოდეს სადისერტაციო საბჭოს თავმჯდომარის მოადგილე;

7.2. დარგობრივი სექციის ხელმძღვანელი საჭიროებისამებრ იწვევს დარგობრივი სექციის სხდომებს.

## 8. სადისერტაციო საბჭოსა და დარგობრივი სექციის მდივნის უფლებამოსილება

8.1. სადისერტაციო საბჭოს მდივანს თავმჯდომარის წარდგინებით ამტკიცებს სადისერტაციო საბჭო.

8.2. სადისერტაციო საბჭოს მდივანი უზრუნველყოფს საბჭოს და საბჭოს გამგეობის ორგანიზაციულ საქმიანობას.

- აწარმოებს სადისერტაციო საბჭოს და გამგეობის სხდომის ოქმებს უნივერსიტეტში საქმისწარმოების ერთიანი წესების შესაბამისად;

- ეხმარება თავმჯდომარეს ორგანიზაციული საკითხების მოგვარებაში;

- ხელმძღვანელობს საბჭოს არქივსა და საქმის წარმოებას;

- უზრუნველყოფს სადისერტაციო საბჭოს გადაწყვეტილების გამოქვეყნებას უნივერსიტეტის ვებ-გვერდზე;

8.3. სადისერტაციო საბჭოს თავმჯდომარის მოადგილე საბჭოს თავმჯდომარის (ან გამგეობის) თანხმობით ცალკეულ შემთხვევებში უძღვება სადისერტაციო საბჭოს სხდომას. ეხმარება სადისერტაციო საბჭოს თავმჯდომარეს ორგანიზაციული საკითხების მოგვარებაში;

8.4. დარგობრივი სექციის მდივანი უზრუნველყოფს შესაბამისი დარგობრივი სექციის ორგანიზაციულ საქმიანობას.

8.5. კონსულტაციას უწევს და ეხმარება დოქტორანტებს დისერტაციის დაცვამდე და დაცვის შემდეგ სათანადო დოკუმენტაციის მომზადებაში.